

Մուսիսի բազաուորութեան կառավարչապետ(1), կը հաստատէ :
 Տէր Ֆերմանդո Սանչէզ Տովարցի, աւագ ծովակալ, կը հաստատէ :
 Տէր Դիէգո Գոմէզ Պաչէկո, աւագ հօսար Կասիլլայի, կը հաստատէ :
 Տէր Պետրոս Սուարէզ Գուզմանցի, աւագ հօսար Անգալուսիայի, կը հաստատէ :
 Տէր Պետրոս Սուարէզ Տովարցի, աւագ հօսար Տովարցի բազաուորութեան, կը հաստատէ :

Եւ ես՝ Դիէգո Ֆերրանդէզ, ասիկա գրել տուի թագաւորական հրամանով՝ յիշեալ տէր Յովհաննէս Թագաւորի գահակալութեան հինգերորդ տարին :

Դիէգո Ֆերրանդէզ .

Ալաբուս, օրինաց վարդապետ :

Մադրիդի պատգամաւորներն այս անգամ ուրախ սրտով զիմեցին Լեւոնի, որ Սեգովիայի ս. Փրանկիսկոս վանքին մէջ իրեն համար յատկացուած պալատը կը բնակէր : Հոկտեմբերի 19-ին էր երբ պատգամաւորները ներկայացան իրենց նոր պետին : — Մադրիդի զիւանարանին մէջ պահուած ձեռագիր մը, որ այս պատգամաւորութեան Լեւոնին ներկայանալուն ատեն նազրութիւնը կը պարունակէ(2), մանրամասն կերպով կը նկարագրէ, թէ որո՞նք, ինչպէ՞ս եւ ի՞նչ պաշտօնական թղթով ներկայացան Հայոց թագաւորին :

Ահա այն ատենագրութեան թարգմանութիւնը(3) .

Ի թուին 1421 հոկտեմբերի 19-ին, երկուշաբթի օրը, Սեգովիա քաղաքին մէջ, Հայոց թագաւոր՝ գերազնիւ եւ մեծազօր տէր Լեւոն իր ս. Փրանկիսկոսի վանքին պալատը կը գտնուէր, եւ ի ներկայութեան նոյն տէր Լեւոն թագաւորին ու իմ՝ Գոնզալո Մարտինէզ-ի,

(1) Ինչպէս կերելի՝ երկրորդ անգամ ստորագրած է հոս տէր Յովհան Սանչէզ Մանուէլ, առանց անունը դնելու :

(2) Ձեռագրին քիւն է՝ 2a, 385—18 :

(3) Բնագիրը տես՝ գրքիս վերջը՝ Document XII : — Աւելորդ չըլլայ բերելու յիշել, որ այս վաւերագրերու մէջ դրուած 1421 բուականն սպանիական բուականն է, եւ կսկսի Քրիստոսի 39 բուէն . արդ՝ սպանիական բուականն 38 տարի աւելի ըլլալով մեր սովորական բուէն, 1421 բուականն ալ կը համապատասխանէ Քրիստոսի 1383 բուին : Այս բուականը Յովհաննէս Ա-ի օրով, ճիշտ 1383-ին, վերցաւ Սպանիայէ եւ Քրիստոսի բուն բուականը գործածութեան մտաւ :